



Broj: 07-07-6-3274-2 /2019
Sarajevo, 24.09.2019.godine

Na osnovu člana 20a. stav (2) Zakona o radu („Službene novine Federacije BiH“, br. 26/16 i 89/18), Uredbe o postupku prijema u radni odnos u javnom sektoru u Federaciji Bosne i Hercegovine („Službene novine Federacije BiH“, broj 13/19), Pravilnika o načinu i postupku izbora kandidata za prijem u radni odnos, broj: 02-02-3169-1/19 od 09.09.2019. godine i Odluke o potrebi prijema u radni odnos, broj: 07-07-6-3274-1/2019 od 24.09.2019. godine, Finansijsko-informatička agencija raspisuje

JAVNI OGLAS za popunjavanje upražnjenih radnih mjesta

I RADNO MJESTO:

1. Stručni savjetnik za projektovanje i programiranje, 2 izvršioca, na neodređeno vrijeme uz ugovoreni probni rad u trajanju od šest mjeseci,
2. Stručni saradnik za projektovanje i programiranje, 1 izvršilac, na neodređeno vrijeme uz ugovoreni probni rad u trajanju od šest mjeseci i
3. Pripravnik na radnom mjestu stručni saradnik za održavanje informacionog sistema, 1 izvršilac, na određeno vrijeme u trajanju od 12 mjeseci (lice sa završenom visokom stručnom spremom/fakultetom koje prvi put zasniva radni odnos u zanimanju za koje se školovalo, radi stručnog osposobljavanja za samostalan rad na navedenom radnom mjestu.

1. Stručni savjetnik za projektovanje i programiranje, u Sektoru za informatičko-komunikacione tehnologije, Odsjek za informatičko-komunikacione tehnologije

Opis poslova: Analizira složenije projektne zahtjeve, te pravi konceptualni, logički i fizički dizajn programskih rješenja korištenjem standardnih programa i alata; razvija programske aplikacije; testira funkcioniranje i izrađuje prateću dokumentaciju; održava i ažurira postojeće programe i aplikacije; razvija aplikacije neophodne za rad Agencije; priprema podatke za dalju obradu; vrši analizu postojećih softverskih rješenja; predlaže implementacije i korištenje tehnologija za izradu aplikacija; pruža podršku korisniku; samostalno priprema složenije analize, razvojnih projekata, informacija, izvještaja i drugih najsloženijih materijala; sarađuje kod pripreme sistemskih rješenja i drugih najzahtjevnijih materijala iz područja rada; organizira međusobnu saradnju u Odsjeku i sa drugim unutrašnjim organizacionim jedinicama; usklađuje i unaprjeđuje saradnju s drugim institucijama i korisnicima; pruža pomoć voditelju Odsjeka i rukovodiocu Sektora; obavlja i druge poslove po nalogu direktora i neposrednog rukovodioca. Za svoj rad odgovara voditelju Odsjeka i rukovodiocu Sektora.

Uslovi: da je državaljanin Bosne i Hercegovine, da je stariji od 18 godina, da je zdravstveno sposoban za obavljanje poslova utvrđenih za to radno mjesto, da se protiv njega ne vodi krivični postupak, VSS – VII stepen stručne spreme odnosno visoko obrazovanje prvog ciklusa Bolonjskog sistema studiranja koji se vrednuje sa najmanje 240 ECTS bodova, ili drugog ili trećeg ciklusa Bolonjskog sistema studiranja-završen fakultet tehničkog smjera-područje tehničkih nauka, polje Računarstvo i informatika, najmanje dvije godine radnog iskustva u struci, poznavanje engleskog jezika.

Broj izvršilaca: 2 (dva)

Mjesto rada: Sjedište Finansijsko-informatičke agencije, ul. Ložionička br. 3, Sarajevo.

2. Stručni saradnik za projektovanje i programiranje, u Sektoru za informatičko-komunikacione tehnologije, Odsjek za informatičko-komunikacione tehnologije

Opis poslova: Analizira poslovne procese, učestvuje u izradi poslovnih modela i prepoznaje ključne poslovne aktivnosti; učestvuje u projektovanju i programiranju novih informacijskih sistema za potrebe Agencije i kreiranju novih baza podataka; testira funkcioniranje i izrađuje prateći dokumentaciju za aplikacije Agencije; održava i ažurira postojeće programe i aplikacije; kreira analize podataka iz registara Agencije; učestvuje u dizajniranju i programiranju novih registara; pruža podršku korisnicima softverskih rješenja unutar Agencije; učestvuje u izboru i daje preporuke za nove tehnologije razvoja softvera; pruža pomoć voditelju Odsjeka; obavlja i druge poslove po nalogu direktora i neposrednog rukovodioca. Za svoj rad odgovara voditelju Odsjeka i rukovodiocu Sektora.

Uslovi: da je državaljanin Bosne i Hercegovine, da je stariji od 18 godina, da je zdravstveno sposoban za obavljanje poslova utvrđenih za to radno mjesto, da se protiv njega ne vodi krivični postupak, VSS – VII stepen stručne spreme odnosno visoko obrazovanje prvog ciklusa Bolonjskog sistema studiranja, ili drugog ili trećeg ciklusa Bolonjskog sistema studiranja-završen fakultet tehničkog smjera-područje tehničkih nauka, polje Računarstvo i informatika, najmanje jedna godina radnog iskustva u struci, poznavanje engleskog jezika.

Broj izvršilaca: 1 (jedan)

Mjesto rada: Sjedište Finansijsko-informatičke agencije, ul. Ložionička br. 3, Sarajevo.

3. Pripravnik na radnom mjestu stručni saradnik za održavanje informacionog sistema, u Sektoru za informatičko-komunikacione tehnologije, Odsjek za informatičko-komunikacione tehnologije, odnosno lice sa završenom visokom stručnom spremom/fakultetom koje prvi put zasniva radni odnos u zanimanju za koje se školovalo, radi stručnog osposobljavanja za samostalan rad na navedenom radnom mjestu

Poslovi na kojima će se pripravnik stručno osposobljavati za samostalan rad: Održavanje sistema i davanje podrške korisnicima sistema; obavljanje poslova administracije mreže i računara Agencije; osiguravanje nesmetanog rada aplikacija neophodnih za rad radnika Agencije; briga o tehničkoj ispravnosti mreže i računara; briga o fizičkoj i softverskoj zaštiti računara i mreže; odgovornost za tehničku dokumentaciju mreže (kabliranje, utičnice, razvodne kutije, oprema), opreme, uređaja, računara i servera; analiziranje mreže i mrežne opreme; instaliranje neophodnog softvera za rad Agencije; održavanje server sale primjenjujući vodeće standarde po pitanju kabliranja, klimatizacije, povezivanja, rasporeda uređaja i sl.; održavanje hardverske ispravnosti opreme; briga o softverskoj sigurnosti (instalacija antivirusnih alata, softverskih i hardverskih alata za zaštitu sistema i mreže, zabrane pristupa određenim stranicama, zabrane preuzimanja sadržaja i sl.); odgovoravanje za stanje mreže o čemu treba da izvještava voditelja Odsjeka; obavljanje i drugih poslove po nalogu direktora i neposrednog rukovodioca. Za svoj rad odgovara voditelju Odsjeka i rukovodiocu Sektora.

Uslovi: da je državaljanin Bosne i Hercegovine, da je stariji od 18 godina, da je zdravstveno sposoban za obavljanje poslova za koje će se stručno osposobljavati, da se protiv njega ne vodi krivični postupak, VSS – VII stepen stručne spreme, odnosno visoko obrazovanje prvog ciklusa Bolonjskog sistema studiranja, ili drugog ili trećeg ciklusa Bolonjskog sistema studiranja-završen fakultet tehničkog smjera-područje tehničkih nauka, polje Računarstvo i informatika, da nema ostvaren radni staž u okviru visoke stručne spreme (VSS), poznavanje engleskog jezika.

Broj izvršilaca: 1 (jedan)

Mjesto rada: Sjedište Finansijsko-informatičke agencije, ul. Ložionička br. 3, Sarajevo.

II POTREBNI DOKUMENTI:

Prijava na javni oglas se dostavlja na uredno popunjenom i svojeručno potpisanom prijavnom obrascu Finansijsko-informatičke agencije, a koji se može preuzeti na web stranici Finansijsko-informatičke agencije www.fia.ba.

Pored prijave na javni oglas, kandidati su dužni priložiti originale ili ovjerene fotokopije sljedećih dokumenata:

- diploma o završenom fakultetu, a u slučaju da fakultet nije završen u Bosni i Hercegovini, strana diploma mora biti nostrifikovana (dokaz o nostrifikaciji - ovjerena kopija);
- uvjerenje o državljanstvu (ne starije od 6 mjeseci od dana izdavanja od strane nadležnog organa);
- potvrda ili uvjerenje kao dokaz o traženoj vrsti radnog iskustva (osim za radno mjesto pod tačkom broj 3.);
- za radno mjesto pod tačkom broj 3: potvrda ili uvjerenje nadležne institucije za penzijsko i invalidsko osiguranje (PIO/MIO) da kandidat nije registrovan u matičnoj evidenciji osiguranika po osnovu prijave na obavezno osiguranje za poslove VSS ili nadležne porezne uprave da kandidat nije registrovan i da nije bio registrovan u Jedinstvenom sistemu registracije, kontrole i naplate doprinosa prijavom osiguranja za poslove VSS ili nadležnog biroa/zavoda za zapošljavanje kojim se dokazuje da je kandidat prijavljen kao nezaposleno lice neposredno nakon sticanja VSS i da se i dalje nalazi u evidenciji navedenog organa kao nezaposleno lice (ne starije od 15 dana).
- dokaz o poznavanju engleskog jezika.

Izabrani kandidati su dužni da, na dan stupanja na rad, dostave i ljekarsko uvjerenje o radnoj sposobnosti ne starije od šest mjeseci i uvjerenje nadležnog suda da se protiv kandidata ne vodi krivični postupak ne starije od tri mjeseca.

III NAPOMENE

Proces izbora kandidata će se provesti putem pismenog, praktičnog i usmenog ispita, o čemu će kandidati biti detaljno i blagovremeno obaviješteni.

O rezultatima javnog oglasa kandidati će biti obaviješteni dostavom odluke o načinu odabira kandidata.

Ako se na javni oglas ne prijave osobe koje ispunjavaju propisane i objavljene uslove iz javnog oglasa, ili iz nekih drugih opravdanih razloga, direktor Finansijsko-informatičke agencije može obustaviti postupak izbora po ovom javnom oglasu.

Javni oglas će se objaviti u dnevnom listu "Dnevni avaz", na web stranici Finansijsko-informatičke agencije (www.fia.ba), te će se dostaviti i Javnoj službi za zapošljavanje prema sjedištu poslodavca, najkasnije na dan njegove objave.

Ispunjavanje uslova utvrđenih ovim javnim oglasom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog javnog oglasa, kao i kopije tražene dokumentacije koje nisu ovjerene, neće se uzimati u razmatranje.

Prijavu na ovaj javni oglas, sa svim potrebnim dokumentima osim ljekarskog uvjerenja o radnoj sposobnosti i uvjerenja nadležnog suda da se protiv kandidata ne vodi krivični postupak, a koji se dostavljaju danom stupanja na rad, kandidati trebaju **dostaviti najkasnije u roku od 15 dana od dana njegove posljednje objave**, putem pošte preporučeno na adresu:

Finansijsko-informatička agencija

Ul. Ložionička br. 3

71000 Sarajevo

sa naznakom:

„Javni oglas za popunjavanje upražnjenih radnih mjesta“

